

OMUKWETU

No 9.

September

1958.



Mompango ya Mose otamu tumbulwa esiku limwe alike omumvo keshe, uuna ndwiya aaisrael oya li ye nokuidhilika iikulya (Lev. 16: 29-31), Esiku ndiyaka olya li esiku enene lyegeyulukitho. Omusaseri omukuluntu okwa li e nokuyambela omayonagulo goshigwana. Ihe na kehe gumwe wo okwa li e nokuidhiladhilila oondjo dhe mwene nokuidhilika iikulya esiku ndyoka.

Aafarisayi aalaadhi oya li yi itsika eutho lyokuidhilika iikulya lwaali oshiwike kehe. Aalongwa ya Johannes oya holele aafarisayi,

Aalongwa ya Jesus otaa tamanelwa mpaka okulya nokunwa kwa-wo. Aatamaneki inaa tseyo kutya, aalanduli ya Jesus oyo iilyo yehangano epe. Kaye li we mombuga nenge mokuti, moka hamu silwa ondjala, ihe oya thika kohango, koshituthi shika shenyanywelela. Ombushiki omo e li. Aalongwa oyo aana-shituthi, yi ithanenwa mo kombushiki mwene. Kali shi ethimbo lyokuidhilika iikulya ngashingeyi. Oku nokunyanyukilwa okukala pamwe nombushiki. Ethimbo otali ya lyokuidhilika iikulya, ombushiki nge aalwa komushigakano.

Okukala pamwe na Jesus ohaku nyanyudha omulanduli gwe aluhe.

Jesus ota popile aalongwa ye.

Mark. 2:18-28

Oha dhimbwa po iinima, tayi luudhike oshipala. Otse na ngoye otu li tuu menyanyu ndika lyokukalathana na Jesus? Nenge Jesus gwetu ha kala a dhipagwa? Ke po putse. Tu ke mu kongeni nokuuka kohango, nkoka twi ithanenwa ko.

Oshikulu noshipe inayi gwane-nathana. Oshinima oshipe otashi yono po owala shoka oshikulu. Aafarisayi oya hala okuyeleka ayihe nomautho gawo kokutya, oya hala okuthindila shoka oshipe moshitholomitho oshikulu. Oya hala, aantu yehangano epe ya landule omithigululwakalo dhawo. Ihe Jesus nando ta kondjitha iinima iikulu, oye omunambili nomutalanteni. Ita kondjitha ngaafarisayi, ihe ote tu nongeke owala: Kape na ngoka, ta ningi ngeyi kokutya, ta vundakanitha oshipe noshikulu. Ihe omuntu ngele ote shi ningi, oye egoya.

Tse na ngoye otu li po ngiini? Omagoya, ga hala okufala iinima yetu iikulu mokukala okupe kwomu-Jesus? Nenge twa hala okuandeka uupagani nuukriste? Ha sho, ihe tu kaleni mbeyaka, hatu ende mokukala okupe, twa shituka kepepalo lyo-

madhiladhilo getu (Rom. 12:2).

Aafarisayi oya li muupika wompango nowomithigululwakalo. Opwa li pu uthwa naanaa, nkene ya li ye nokukala mesapati. Okuenda oshika-ko oshile osha li shi indikwa nosho wo okuhumbata sha nenge okuteleka iikulya. Omuntu ina wapa okuvululukwa nenge okunyanyukilwa esapati mokudhiladhila nomokutula, nge ta yono ngiika ompango. Omuntu shoka kwe shi pewa, shi mu etele enyanyu nekwatho, oshe mu piki.

Jesus e noonkondo noondunge okumutika omakana gaakondjithi. Aafarisaji oya li haa lesa omanyolo omayapuki; yo kaye uvite ko nando kutya, otaga popi Jesus, Omuwa gwesapati. Ngashika David okwa vulu okuitula kombanda nokondje yetindo, tali tindi okuguma iikwiila yetaliko, nosho wo Jesus naalongwa ye oya mangeluka kuupika wompango yesapati.

Tse ohatu dhana ngiini esapati? Oli tu nine enyanyu nekwatho? Ongiini, ngele ohatu kala twa mangeluka kehe osondaha miilonga yetu, tu mone ompito oku ka konga iikulya yopambepo poohapu dha Kalunga? Nenge otu li ngiini muupika wa satana, te tu imbi okudhana esapati pamukalo gu uka, ngashika aafarisayi oya li muupika wompango? Etsikilo kep. . . 2.



OMUKUETU

September.

OMALENGA NOOSKOLA

Moteksti yosondaha yimwe yAuguste Jesus okwa tameke epukululo lye nepulo ndika: Olye ano elenga lyegumbo omudhiginini nomunandunge, Omwene gwe e mu pa elelo lyaapia ye, e ya pe oondya pethimbo lyadho?

Twa dihimbulukwa epulo ndika sho twa uvu etokolo lyepangelongerki lyongerki yetu yowambokavango. Oshitayingerki kehe sha mono etonatonongelo shene. Moongundu ndhika tatu mono wo edhina lyomwene gwoshilongo shOndonga nosho tuu omalenga aasimanekwa aakwawo. Oshinima shika tashi nyanyudha noonkondo omuntu kehe ta tegelele ehukumomeho lyaawambo. Tu nokuhambelela Kalunga sho aapangeli yetu taa tseyaya tuu okugandja aantu oondya pethimbo lyadho.

Aakwaniilwa yonale ya sile oshimpwiyu okuputudha aagundjuka yoshilongo. Noshu tuu aakuluntu ya kambadhala nga okuputudha aanona yawo. Ngele ku na nga omugundjuka kee nomikalo, okwa pulwa kaakwawo: Owa hungila tuu? Pethimbo lyuupagani aantu ya tseyaya nokuli okulitha tashi ti okuputudha aanona.

Ngashingeyi tu nooskola odhindji tashi kambadhala okuwilika aanona mondjila yuukriste. Aalongi taa dhiginine peha lyomalenga no lyaakuluntu na pamwe nayo okulitha aanona koondya dhevangeli etoye. Omatonatonongelo omape taga vulu okukwatha nawa moshilonga sheputudho, ngele taga mono eyambeko lya Kalunga.

Megalikano enene lyongerki tatu indile osondaha kehe: Mesilohenda lyoye kwatha aapangeli ayehe, ya kale taa lele aantu pahalo lyoye. Osho tatu galikana, oshoka tu hsi shi epangelo alihe olyomu Kalunga, aapangeli mboka ye li po, oyo ya tulwa po ku Kalunga.

Omusamane Luther okwa popi, olwindji oshinima shika. Kalunga ta longo mokati ketu niikaha iyaali: Shimwe she li ompango nepangelo tali longitha ompango nashimwe evangeli tali uvithwa kongerki. Omatonatonongelo ngaka taga vulu okulongitha iikaha mbika iyaali. Osho twa hala okuhalela oongundu ndhika eyambeko lya Kalunga netegelelo nokugalikana tu mone ooskola oompe odhindji naanona ayehe yaawambo ya mone iikulya yomwenyo.

JESUS TA POPILE.

Otekisti yosondaha ndjika otayi u nyanyudha shili. Jesus oye ombushiki mohango, moka otse aayenda ye aanyanyukwi. Mokuya kohango ndjika itatu pumbwa okukambadhala okufaalela ko iinima yetu iwinayi niikulu, ihe otwi ithanenwa mokukalamwenyo okupe, moka twa shituka twa ningi aape. Natu nyanyukweni ano nomesapati ndika wo noku mu hambelela, ngoka ye omuwa gwesapati.

T. Tirronen.

UUPAMBU WA TOOLWA MOMAUUVITHO.

Kalunga a kongo Farao lwomulongo.

J.A.

Ongame omukuyu gu nontuko tayi tuku ndje.

J.A.

Mongundu yaantu ya Kalunga hamu kuutumba omambungu haga lyana.

D.N.

Egumbo kehe ekriste olyo ngashi okatembameya ke nokuyulitha oohi, ihe ngele Jesus kee mo, itali kwathanando sha.

M.A.

Jesus okwa li e nokutaamba olupelweso, sho a ningi omuntu.

B.E.

Ngame Omuwa Jesus ta tile ndjengini?

S.A.

Omuwa Jesus kee niikonene momwenyo gwe.

L.A.

Ongola ya Kalunga oya hulile mu Jesus.

P.Sh.

Meifupipiko olwindji uuntsa wa holama; nena kali shi we eifupipiko lya shili.

L.A.

Tatu keme oshoka natango tu li muundjendi.

M.A.

Ondjo kehe tandi yi longo, tayitsu omutima gwa Jesus.

M.A.

Omuwa Jesus a mono iihuna o-molwomuntu.

P.Sh.

Omuwa Kalunga, hokitha ndje iinima mbyoka yopahalo lyoye ndaayulukwe we mbyo iikulu.

S.V.

Omuwa, hemukitha oomwenyo dhetu kohoole yoye ondjapuki.

M.A.

Oohapu dha Kalunga dha hala okulondodha aantu ya londoke.

L.A.

Uupambu mbuka uutoye wa toolwa ku S. K

NANGOYE ANDO OWA NYANYU KWA.

Mu Windhoek mwa gongala oshituthi. Aayenda mboka ya zi kOwambo ye ya oku tu talela po, noye tu tsu omukumo okukala mondjila yomwenyo. Aayenda mboka oyo: Omukuluntutumwa B. Eriksson ngoka a kala mOwambo ethimbo, ngashingeyi okwe tu laleke megongalo lyetu mu Windhoek, a ka fudhe po ku Soomi. Megongalo moka ende okwa ningile aawambo elongelokalunga. Okwa li wo pamwe nomusamane Hukka, nomusamane omuyenda (omuwilikitumi) ngoka a zile ku Soomi. Oyo ayehe oya popitha egongalo lyaawambo muka mu Windhoek noohapu dha Kalunga, noye tu fatululile kutya otse katu shi we aakwilongo otse aawalwa.

Omuwilikitumi okwa pandula sho a mono evi lyaawambo nokwa monathana naawambo oshipala noshipala. Aamatiyane aakavango oya imbi eimbilo ewanawa. Konima yelongelokalunga omusamane Leo Nuugulu okwa gandja epandulo peha lyegongalo. Okwa li ku na enyanyu enene shili. esiku ndyoka ongerki oya li yu udha, oshoka ayehe ya fa ye etha omaimbo gawo, oyo ye ye ya pulakene oohapu dhomwenyo gwaaluhe.

P. Kashala Naanda.

ONTAULA POKATI KUUSHIMBA NOWAMBO.

Mesiku eti 26 Julie 1958 omukwaniilwa mwene gwoshilongo shOndonga E. J. Namene okwa kutha omalenga ge gaali F. Iiputa na P. Kantene nooamushanga ye yaali J. Ngaikukuete na T. H. S. Nepaya nomumati gwe gumwe omuinekelwa I. Nangombe a ze po nayo. Potundi 9. oo yongula iihauto ya hwama twa sigo omOnoolongo, notwa fudha po ethimbo efupi uule wowili yimwe. Okuza mpono otwa yi ihe tu ka tale ontaula ndjoka ya za momulonga gwa Kunene sigo omu Kavango. Ontaula ndjika oya topola Owambo nUushimba. Okuza mOnoolongo sigo omontaula ope na uule woomaila 2.

Otwa adha ihe okapilangi ka nyolwa ONOOLONGO OVAMBO twa kala po okathimbo ominute 15. Twa tameke okutsikila ondjila twa lamba ontaula, sigo twa thiki kondjila ndji ya za kOkaukueyo.

Otwa tala nawanawa nkene evi lya tendwa ontaula yu ukilila yaa na nando egoli. Ihe omukwaniilwa gwaandonga okwa thigilwa ko okuti okunene, hasho twa li tu shi, nokuli nando pwa li pu na omutoto omunene kutya Ekango lyomongwa otwe li kuthwa. Aawe. oli li nokuli kokuti kwetu mokatilela muule wokuti kwaandonga. Aakwetu inamu popya we iinima mwaa he yi shi. Tu panduleni Tate Kalunga ngu a gandja aatendi aanandunge yo ye na oshili. Tu galikaneni tu na einkelo noshili Mat.6:33-34 Eps.61:1-8. Omuwa tu pa wo oondunge nomaye.

Omushangi omushona gwomukwaniilwa. T. H. S. Nepaya.



O K A A N D J E T U



Ejapulo lomuulikingerki mu Elim.

Efiku 9. 7. 1958. ola li efiku linene mu Elim, osho jo mOngerki Oñguaevangeli pa Luther jomOuambokavango aishe, osheshi efiku olo omuulikingerki uongerki ei onona okua japulilua oshilonga eshi shaje, ngashi e shi hoololelua koshiongalelengerki 25. 6. 58. kEngela.

Hano oshivilo eshi mu Elim osha danua ngaha. Ongula potundi 10. okua iua mongerki melonelokalunga. Tete ongundu jovaimbi ja imba mu „Imbileni Omuaa” „Ngulandji jesiku...”, opone eongalo la imba 223. Manga tali imbi, omukuluñutumi, oo a dana jo oshivilo eshi apa okue uja mongerki va pita komuvelo ou uakula se novafitaongalo vatatu novahongi vatatu. Aveshe ova ja va jukilila koshiilikaneno. Vatano na umue tava i moshiilikaneno opo omujapulua ta kala mombaunda a teelela oshiningilualonga shaje. Pefimbo tu olo ovañu ava va li pondje ove ja jo mongerki noja janda ndo, fijo opondje.

Eimbilo eshi la hula, omukuluñutumi okua lesa Mark. 4: 30-32. Omushamane B. Eriksson okue di lesa jo moshuiambo, ngashi e mu lundululila jo endifo laje. - Okue tu hololela ouhamba ua Kalunga ñge ua li unene pehovelu. Ku Golgata omushijakano ua Jesus oua li oshinima shinini. Ovakuaita okua li ve uete va findana, naashi va tula emanja poshivelo shombila okua li tava ti, kutja ouhamba ua Kalunga ua hula po. Nani efiku tu olo Jesus a pakua olo fiku ouhamba ua Kalunga ua kunua. Nomokumena oua hula noitai jao' oja ja kokule.

Nge hatu tale konima (9. 7. 1870) ohatu mono ovalumeñu vanini ve ja omu mOuambo, vapita moudju, nopaha li nande oo uOmouambo a shiiva Kalunga kashili. Okua li ve uete eeñgono davo da fa da hepa. Ndele Kalunga ote tu ulukile kutja ombuto nge tai kunua otai mene notai kumifa omuñu mokukula kua-jo. Fje otu li e e n d o b u e d i dasho nena, eshi tu na omiito okutala omuulikingerki ou ta punikilua nota japulilua oshilonga shaje mo-

ngerki ei jomOuambokavango. Eshi otashi holola ouhamba ua Kalunga oua kula medu eli, ndele natango ombuto jao oi na okutandavela akushe.

Komuulikingerki okua holola ñge ouhamba ua Kalunga u na oudjuu kovajakuli vao. Ndele Kalunga muene okua shiiva jo oudjuu ou. Oñge kala ho teke alushe meennjovo daje opo u mone eeñgono moshilonganga eshi e shi ku ifanena. Koleka jo oovakueni mokutandavelifa ouhamba ua Kalunga. Dimbulukua alushe kutja Kalunga oku na oshisho novapija vaje.


Konima jokuilikana ovalitungi ova lesa evelishe dimue domOmbibeli ngashi 2. Tim. 4: 1, 2: Rom. 8: 32; Eps. 128: 5 nosho tu. Omujapulua okua hepaulula eitavelo lovakriste, nokua pulua omapulo a tano nge a hala shili oku tambula oshilonganga eshi. Konima jomanjamukulo „Heeno onda hala” omushamane Alpo Hukka okua japulilua oshilonganga shomuulikingerki mOuambo no-koKavango, mokuteñekua omake medina la Kalungakatatumue.

Kalunga na kuafe omuulikingerki ou je e mu pe eenduuge neeñgono da uanenena oshilonga eshi oshinene mokati ketu.

SHOKA SHU UDHILILA MENI OSHO HASHI YA KOMBANDA.

Esiku 25. 2. 58 kuku Hilmanene ya Nangombe a hulitha oondjenda dhe kombanda yevi. Oye a adhika a koka gwoomvula 60-68 patengeneko. Hilmanene oye omulongwa gwa kuku Nakambalekanene. Onda li ndi hoole oku mu talela po olwindji pokagumbo ke mu Abenab. Ihe aluhe shoka sha li shu udhilila momwenyo gwe osho tuu sha holoka kombanda. Nando kwa li ngeyi omukulupe iha vulu we okulesha mwene, okwa li e shi oohapu dha Kalunga momutse, okwa imbile ndje omaimbilo ngoka e ga longwa moskola yeshasho, onkene ngaa a kala e ga shi. Oye okwi inekela ohoole ya Kalunga mu Kristus Jesus sigo opehulilo lyomasiku ge. Kombila ye a thindikilwa kaalilasa iihauto iyali yuudha oshititatu shi li etata. Omuyevangeli E. Hadula a lesa oohapu dha Kalunga Ehol. 14:13. „Aanelago omboka taa sile mOmuwa.” „Tu longa shili okuyalula omasiku getu, opo tu mone omuenyo gu noondunge.” Eps. 90:12.

J. K. Nangombe.



mOngenga:

- Traugott Paulus a si 4. 1. 57.
Linda Ndiueteko a si 4. 2. 57.
Anna Hidivama a si 1. 1. 57.
Martt Shimba a si 27. 1. 57.
Teopolina Hamuaama a si 4. 1. 57.
Matia Munakandi a si 13. 2. 57.
Mariana Hamunjela a si 2. 3. 57.
Elia Shikale a si 28. 1. 57.
Nahum Nakapunda a si 17. 3. 57.
Elias Hiskia a si 27. 2. 57.
Okanona A. Hangula a si 29. 3. 57.
Paavo Fridrik a si 31. 3. 57.
Filemon Johannes a si 27. 3. 57.
Julia Haihuhua a si 10. 3. 57.
Lidia Takatona a si 20. 4. 57.
Jonatana Filippus a si 26. 4. 57.
Junias Jonas a si 4. 5. 57.
Filippus Samuel a si 11. 6. 57.
Andreas Musheko a si 26. 6. 57.
Jakobina Haludilu a si 30. 6. 57.
Immanuel Abiatar a si 15. 5. 57.
Gottlieb Hamunjela a si 29. 7. 57.
Lukas Shaendolufe a si 27. 7. 57.
Simon Hamukoto a si 5. 8. 57.
Ndamononghenda Hipandua a si 14. 8. 57.
Elisabet Hamadila a si 7. 8. 57.
Penehafo Sakaria a. si 28. 8. 57.
Gabriel Josua a sa 20. 9. 57.
Lovisa Abraham a si 20. 9. 57.
Emilia Johannes a si 26. 10. 57.
Johanna Mika a si 26. 9. 57.
Junias Jason a si 6. 10. 57.
Ndamononghenda Haishindi a si 18. 10. 57.
Sem Festus Tamusson a si 23. 10. 57.
Mooses Penombua a si 23. 10. 57.
Ndahekelekua Jonas a si 23. 10. 57.
Hilja Filipus a si 26. 10. 57.
Paulus Hilifavali Pinehas a si 30. 10. 57.
Abraham Andreas a si 31. 10. 57.
Johannes Simson a si 29. 6. 57.
Penejambeko Petrus a si 2. 11. 57.
Monika Hamunjela a si 17. 11. 57.
Ndapandula Hamuatile a si 16. 9. 57.
Tobias Hangula a si 23. 11. 57.
Toini Simon a si 24. 11. 57.
Karolina Ndafohamba a si 30. 11. 57.
Lea Shilongo a si 11. 12. 57.
Paulina Nelenge a si 26. 12. 57.
Olivia Ananias a si 26. 12. 57.

OSHIKOLOLO SHAAGUNDJUKA

OMIZALO.

OSHILONGA MOKATI KOVAMATI.

Omukuluñu umue okua hokolola nale omadiladilo aa nde ta ti: „Eengobe nenge da kanena kombua jongaho kai na sha tadi fi ile da hangika keengoshi ile komambungu. Efimbo lokulifa la pua po. Kape na vali oilonga jokulongua kovafita.”

Tu lungameni, ovanjasha ovamati otava i kombua jongaho kai na sha, ile otava hangika keengoshi ile komambungu, nohatu kanifa ovanjasha ovamati vetu aveshe. Efimbo liua otali pu po, nenge itatu va kuafa.

Mombibeli ohatu mono eendjovo dihapu tadi popi etekulo lovanjasha ovamati olo oshilonga shinene.

Moses okua lombuela ovañu vomuIsrael mepopifo laje komunda Horeb nde ta ti: „Omafiku okomesho omona uoje omumati, nge te ku pu la nde ta ti: „Omikalo nomango nomaufo Omuene Kalunga e e ku lombuela, otaa ti ngahelipi?” Ou nokulombuela omona uoje omumati to ti: „Ofje otua li ovapika va Farao mu Engipiti, ndele Omuene okue tu tembula mo neke laje lidjuu. . . . Omuene okue tu lombuela tu uanife oipango ei aishe, fje tu mu tile opo tu kale nelao je e tu hupife tu kale nomuenjo, nongashi tu li po fijo onena eli. Nohatu kala ovajuuki koshipala sha Kalunga ketu, nge hatu kala nokuanifa oipango jaje ei aishe ngashi e ji tu lombuela.” (5 Moos.6:20-25.)

Jesus okua fil' oshisho onunona nokua li e va hoole, eshi a li kombanda jedu.

Evangeli otali hokolola Jesus okamati nde tali ti: „Ndele Jesus okua kula meendunge no moukuluñu no mefiloñgenda pu Kalunga no povañu” (Luk.2:52.)

Eendjovo edi otadi tu ulikile, ñumbi ovamati vetu tava tekulua momafiku etu jo.

Jesus eshi a palula ovañu vhapu komunda joñumba, oje okua longifa omumati. Oje okue mu ifana a kuafe ovañu nomingome daje ñano neeshi mbali. (Joh.6:15)

Jesus ote tu lombuele ovamati otava pumbua oinima i dule aishe nde ta ti: „Omu na tuu omuñu mokati keni, ou omona te mu indile omungome, te mu pe emanja, ile nge te mu indile oshi, te mu pe ejoka?” (Mat. 7:9-10.)

Jesus ota dulu okukuafa jo omumati ou ita teelua sha vali ile a hangika ku satana, osheshi oje ta ti: „Omona uoje mu eta oku:” (Luk.9:41)

Omufita umue okua tja: „Omaongalo nenge itaa filoshisho ovamadjona, opo komesho ovalumeñtu otave uja okungumauna po ongereki.”

Ohatu ningi shike moshinima eshi?

Tete tu tñeni eengolo, fje tu indile Kalunga oje e tu ulikile oshilonga eshi shinene. Ovanjasha ovamati otava pumbua omaindilo etu. Jesus Kristus ota ti: „Lifa eedi dange:”

Luhapu ovakuluñu otava dimbua okulifa ovaana vavo. Tu lungameni, efimbo olo lili popepi ile nokuli nena ovanjasha nenge tava ningi eshi va hala notava ende apa va hala. Oshilonga shetu otashi ka mona oihuna ihapu. Ounona nenge itava dulika komango jomuenjo, nava longue naua opo ve he uje okungumauna omaumbo ovakuluñu nongerki javo. — Heno, ovanjasha ovamati nava lifue naua nava keelua opo va shikule omango ja Kalunga nomapukululo ovakuluñu novalongi vavo. Eengudu dovamati nadi dikue omo eendjovo da Kalunga tadi palulilua eemuenjo davo nomaudano omalutu avo. Ovamati otava ongelua jo moiongalele jovamati.

Meongalo keshe tu kongeni ovañu ovadiinini ovo tava ningi ovakuatelikomesho. Ovo tava kala tava fimankua mokati kovamati.

Ovakuatelikomesho otava deulua moshiongalele shavo ve li longe okujakula ovamati noku va palula noku va ulikile Kristus.

Jesus Kristus ta ti: „Shili ohandi mu lombuele, eshi mua ningila umue uavo ovamuatate va dinua, mue shi ningila nge jo.” Mat.25:40.

Pauli Laukkanen



„Oshitunda nohedhi oshilongo nomukalo gwasho.” Osho hashi tiwa kookuku yetu. Kehe oshilongo oshi na omukalo gwasho, nge mokuzala nenge momapangelo. Ano tu taleni omizalo dhaawambo yonale.

- Aakulu yonale, aasamane, ohaa zala oontsilu dhuunyenyele komitise, nomakwamo kohi yomiya dhawo. Oyo ohaa zala wo oonkutuwa koombunda, nomagwe omanene moshiya. Ogo hagi ithanwa „omawe goshilongo, nenge uuyamba wa simana.” Omawe ngoka ohaga zalwa koonima, ha kooshetheni. - Ee, naakulukadhi yoonima, otaa vulu ngaa okuzala omawe ngaka, haasamane ashike yoonima.

- Aakulukadhi wo, oya kala nomizalo dhawo, ngashi ikonya komitise, nosho tuu iipando wo. Osho ya zala wo omunya gwa nyashwa pokati e taku hukilwa omakwendjenge omanene konyemba ya za moshikonya. Okwa li wo haku kala oongata konyemba hoka, Oyo oya zala omapushu kombunda. Poompando dhawo, oya zala oongondo noongengela. Oyo ya zala wo oonteta dhoongombe dhomela. Ya zala omihanga omiludhe omiwanawa. Momako gawo, oya zala oongodhi. Oya zala wo omagola momakutsi, nenge iiti ya hongwa nuunkulungu, Pontulo opwa kala esipa lyomba, nenge poonto adhihe pwa kala omba. Aakadhona oya zala wo uunyatela (ano ya shishwa) niipando ye endjelele komitise. Osho ano omizalo dhaawambo dha li po ngaaka. -

- Omizalo ndhoka osho tuu dhi li nomena? Aawe ndi shi, kehe gumwe onda hala omutsihu. Kehe gumwe a hala edhedhe, nenge okayata kokayala ka tya ka tya. Nosho tuu iinima mbyoka yi shi ku ndjangek' omuntu. Ndi shi omuntu a ndjanga oye omuwanawa, ito si nohoni oku mu ulika „oye gwaandjetu ngo?” Hasho mbela? Osho ndi shi nga.

Aakwiita ne aawambo ya Kristus, omwa dhimbulukwa tuu omuzalo omuwanawa kwaadhihe? Shaa tuu tamu monika olupe lwa Kristus miipala yetu, nena otse otwa zalekeka, tu vule ngoka a zala omutsihu gwo opalelela. Hamapushu we niinkutuwa, nuutsilu uunyenyele nomagola, niikwawo ayihe yoshipagani. Awe, mbyoka otwe yi etha po nale itatu yi dhimbulukwa we. Omolwashike to hala kushuna lwani-ma? Mu Egipiti lyuululu wa mangululwa mo, oto yuulukwa mo natango? Ino yuulukwa okuthika ku Kaanaan evi lyeuvane-ko? Tu etheni po ano uunyatela wuupagani nosho tuu omagwe ga simana goshipagani. Tse tu lalakaneneni omutsihu ihagu kulupa ogwo Kristus. Ogwo ihagu shunduka. Osho oshiyata shi nondilo shili, shi shi okuzalwa kutse aamatuki methigathano.

Omuwa, onakukongolola oondjo dhuuyuni auhe, ne tu kwathe e tu zaleke onguwo dha yela, tadi tu thikitha mohango yonzigona. Otse wo aawambo oonzigona dhe.

A.P.A.

OSHIKOLOLO SHOMEGUMBO

OKUSILA OMAPYA OSHIMPUYU

Moonkundathana dhetu dhokombinga yoongombe, otwa hugunine noshipopwiwa shokukonga oontsezi k'Uushimba, opo tu opaleke omaludhi goongombe dhetu, opo dhi wape dhi tu pe omahini ogendji Tu kaleni ano metokolo ndyoka. Ngele pe na gumwe a hala okutya sha koshinima shino; na nyole owala omadhiladhilo ge mOmukwetu.

—Aasamane! Oohapu dhino ohamu dhi lesa tu? Oshike ano mwa mwena? Popyeni omayege geni, one mu na omitse dha kola.

Eewa, nena otwa hala tu popye sha shilwe, osho—omapyo, nomaludhi gomavi. Ihe nando ongeyi, itashi ti oongombe dha hulu, aawe, otwa tega ngaa „oopulana” dha kehe gumwe; nena tu popyeni ngaa omapyo.

Ngashingeyi itatu yi unene muule woshinima tu ka tale tse tu konakone ishewe kutya evi oshike, aawe, tu taleni owala omaludhi gomavi.

Moohapu dha Kalunga otatu uvu wo kutya omavi inaga faathana. Omuwa Jesus okwe shi yelitha meyele lyomukuni. Omavi nani ogi ili no gi ili. Evi lyetu lyaawambo, nalyo wo inali faathana nando.

Ngele ano evi inali faathana, nena nomapyo wo inaga faathana; nando atuhe otu li mOwambo. Mbo-ka mwa kala ku Kongo nok'Omundaungilo, otamu mono nkene pu na eyooloko pokati komapyo geni nomapyo gop'Engela n'Omafo, nando agehe oge li m'Uukwanyama. Osho wo aambalantu, omu wete nkene pu na eyooloko pokati komapyo geni nomapyo gom'Ondonga, nando agehe oge li m'Owambo.

Ngele nani omapyo inaga faathana wo, nena niikunwa mbyoka tayi zi momapyo inaaga faathana, kayi nokukala yi thike pamwe. Gumwe ota mono mepya lye oolata odhindji, manga mukwawo ta mono oonshona oshoka evi inali faathana.

Pamwe owa hala okupula kutya: Omolwashike ihamu mono oolata dhi thike pamwe, nando amuhe, ohamu hili ngaa omugolo?

Ta, ohema ompe, nayo wo ohayi ka kulupa. Ngele wa hala yi ku yakule natango, oto yi andeke shila. Osho wo nepya, otali pumbwa iiyando, opo u longe mo oomvula odhindji, lyo li ku pe oolata odhindji.

Aasamane, aakulukadhi, tamu li-lwa iilya. Leshii po nawa mpa. Pula ngele owa hala.



MEUMBO OMU NOKUJELA.

Ovanaskola tava hokolola.

Efiku limwe fje otua ja kokumbo kokEngele. Otua li tua hala okupula sha kovanaskola novalongi. Meumbo omu nokujela ngahelipi? Ovanaskola vamue otave tu njamukula paife.

SIPORA UDJOMBALA: Moku-kala kuetu nomaumbo etu inatu shiiva naanaa, nokutja eumbo olo ohoni jomukulukadi ngenge la njata. Na ngenge la jela olo efimano laje line-ne. Unene fje ovauambo inatu koneka oshinima eshi, nge eembuto domaudu di na olutapo otadi tu hange diva: Namoluasho oto hange oipangelo i jadi ovañu ndo, to ti nokuli: „Mbe-la mounjuni kamu na vali ovañu, eshi oshipangelo shi jadi ngaha.” Fje mOuambo jetu shito ngenge ovañu e hole okukomba, otaku tiua: „Oto kombo po ovañu.” Ndele paife mOuambo jetu omua holoka ovanandunge vahapu ovo tava holola efimano momaumbo avo. Ofje ovanjasha tu li momaumbo, tu lilongeni okuuapaleka omaumbo etu. Natu jakuleni ovakuluñu vetu moshinima eshi.

D. G. HAMUTENJA: Meumbo omu nokujela, shashi eumbo olo oñele jokukala kuomñu, mange e li kombada jedu. Opo oinima aische nai kale ja jela, ngashi oinima jopepata: omalilo okulila nomatiti neembija nomaluko nokopi noijsaha. Oikulja nai kale ja uapala. Noini jo nai kolongue, shashi ope na jo ofgedi joini ihai kolongua nande.

BEATA MUATOTELE: Luhapu fje ovanjasha otua tala naanaa, oshinima eshi sha fa shi he fi shetu, otue shi talela ashike kombinga joomeme. Nande meme na lombuelenge ngaha: „Haiti, mumuange, iho kombo ngo

nande epata, oua muena ngaho?” Itandi njamukula nokuli, ohandi denge ashike omupindi pendu, nde handi i. Hano onda tala, oshilonga osho kashi fi shange. Paife mokutala oshinima eshi, onda dimbuluka, nokutja oshange jo. Ofje ovanjasha tu lituleni mejakulu la tja ngaha, okukuafa ovakuluñu vetu nokutonatela, meumbo mu kale mua jela alushe.

JOHANNA SHIFETA: Meumbo ngenge mue uja ovaenda, otu na oku va jakula nombili, nande katu na shii. Oikulja ei tava li, nai kale iua, jo nai kale moimbale ja jela. Ohatu kumaidua naua unene momukanda uokovaheberi 13:2, kokutja ngenge to jakula ovaenda, efiku limue to jakula jo ovaengeli vOmuene.

HILDE HAMUTENJA: Luhapu omaumbo etu okua njata nai. Ovaenda ngenge tave uja meumbo letu, ohatu uapaleke ashike poñele opo tava kala. Ndelene ha ngaha, otu na okuuapaleka eumbo alishe. Nande oua hangika ombaadilila kovaenda, u he lipjakidile vali nokuuapaleka. Poima pa hangike ashike pa jela nale. Vali otu na eehuhua momaumbo etu. Eehuhua ohadi njateke unene meumbo. Onaua ngenge oñele ojo tua japulila ovaenda vetu, tu ha efele po eehuhua.

Osho ovanaskola ava va nyamukula. Omaumbo avo omanelao e dule omaumbo makua, ovanyasha va tya ngaha ngenge tava ka uanifa jo omadiladilo avo a maua.

Natango otua ninga epulo limue: Eumbo otali teelee shike kufje? E-njamukulo otue li peua komulongi AILI MUATOTELE, ota ti ngiha: Ofjeni ovanelao eshi tu na omaumbo etu. Omo fje hatu kala mo tua hafa, eshi tua mona luhapu ejakulo liua momaumbo etu. Ngenge hatu kala peeñele dimue di lili kokule nomambo etu, ohatu diladila luhapu nodjuulufi keumbo letu. Keshe umue oku udite ko naua shili, ngenge ta pumbua eumbo lavo.

Ndelene apa ohatu pulua: Eumbo otali teelee shike kufje? Epulo eli olinene shili. Otali tu halukifa. Eumbo nani otali teelee sha kufje. Ha fje ashike hatu teelee oua ausha, hatu u peua u tu dile mulo. Eumbo otali teelee hano shike kufje? Ngenge hatu diladila eumbo, ndi shii ha miti ile eenduda edi da dikua, ahoue. Ndele ohatu diladila: Ovakuluñu kumue nounona ovo va tunga eumbo. Hano eumbo otali teelee okupamekua, opo li kale li li naua. Ofje ovakalimo ohatu pameke ngahelipi omaumbo etu? Ohatu teelee

SHITLANGU

emuna gwokombanda

Lya nyolwa
ku
Andre de Clerc
na
Edoardo Mondlane

Lya lundululwa
ku
Hosea Namupala,

Etsikilo.

Mahivan okwa li a hala a mana mo unongo we, ihe okwa ndhindhlike omavito gesheko koshipala sha Abrao Omavito ga tsa oothige dhokwakola.

Omuwiliki nokwa tsikile pwa fa inaapa ningwa sha.

- Popyeni foromana gweni. Olye mwa hogolola? -

- OMahivan, - osho Silvanus a ti.

- Olye ta ti osho? -

Otuhe otwa ganekke iikaha.

- Onawa ano. Ngashingeyi omunyoli - nomutameki? -

Mahivan okwa hogolola Silvanus a kale omutameki, oshoka osho a li noku Mahus.

- Osho tamu ziminee? Onawa. -

Iinima iikwawo oya ningwa meendelelo.

Nena, Shiburi omunyoli oku noshilonga shotango osho..? Okwa hulithile pokati nokwe tu tala. Otwa li twaa uvite ko. Oye nokwa tsikile:

- Foromana? -

Mahivan nokwi itsu kelago.

- Okutala oominate. -

Ete dhi nyola - - - - - momafo gomuti? -

- Omoshifo shokunyola. -

- Onawa! Onawa unene! -

Mahivan okwa li a tila kutya pamwe omuwiliki ote mu fala mo owala.

Abrao okwa tsikile: - Ngashingeyi, one etanga. Dhimbulukweni kutya etanga olyo li ina momainyengo galyo agehe. Kali na pe omulongi gwopombambo ngo ta tonatele ando iinima. Tonateni! Ngoye Silvanus, omutameki, tu lombwela shoka etanga li nokuninga opo li imonene embo lyokunyola. -

- Otatu gandja shaa ngoka etatapani, nomunyoli ota yi a ka lande embo moshilando. -

- Iyaloo, kombinga yiimaliwa ngashingeyi onawa. Ihe opo iinima ayihe yi kale melandulathano, otwa pumpwa natango sha. -

- Oshi na okuningwa mbala. - Osho Shibuti a ti.

- Otamu ke shi mona komeho. Otatu adha ethikilo twa mona po iihuna. Dhimbulukweni kutya omu na aluhe okupopya omuntu ngoka e nokuninga oshinima, nomu nokuholola nkene tashi ningwa, ongiini na openi tashi ningilwa. Uuforomana osho tau ti ngaaka. -

Mahivan okwa kumwa. Muuforomana omwa pumbwa oondunge ngiini!

Nena atuhe otwa tsu kumwe momadhiladhilo go opala. Foromana okwa lombwela kutya natu tsakanene kaandjawa moOsoondaha konima yelongelo.

Etanga olya adha okutameka nawa.

Ongulohi yimwe etanga olya hiya ndje. Onda tulwa momapulo golela. Lago enene

onda li ndi shi momutse, eimbilo, oompango netanga shoka tali ti:

- Iilyo yopatatu. -

Etanga mokuwilikwa ku foromana ya-
yo.

lolya pula ekwatho komukiintu gwomulongi omuhongi ngoka e eta ndje mo. Kanda li te vulu okuiketelela okupulakena omawi ngoka ga zi koshiwaranda.

Efolo okwa li e nombili nangame. Okwa fatululile ndje ashihe nombili. . . . O, Shitlangu, ongoye owa fa owala oshaanda sha kolongwa sha pugalala momunzile, nando wa uvu oohapu dhi thihe mpo.

Hugunina oya ningi oshigongi mehologo noya fatululile ndje:

- Ou uvite ko kutya itatu vulu oku ku holola kutya komusitagongalo manga inoo konakonwa Oonzapo dhoye kombinga yeshasho otse. Uuyuuki wetanga ou nokukala puuyelele. -

Onda ithanwa kekonakono nene nonda holoka koshipala shomusitagongalo, shomuwiliki, sha foromana noshomutamekithi. Omethimbo efupi onda hokolola shoka ndi ilonga momutse.

Foromana nomutameki gwetu oya kuutumba konima yandje ya tyoothige ongaakwaniilwa aanene.

Omusita okwa pula ndje ndi fatulule nawa iilyo yopatatu nokwa pula ndje ishe-
we e ta ti:

- Iilyo yopatatu mbyono tayi ningi olutu oyini? -

- Oyo mbi -

- Na otayi ti ngiini? -

- Okokutya omuntu kehe oshilyo shetanga oku nokuninga ashihe shoka ta vulu a koleke olutu lwe.-

Ou shi po ootuu iikulya nenge iikunuwa iwinayi molutu? -

- Oalkohol. -

- Owa nwine iikunwa ya alkohol?

- Eno tate. Ihe oya li ya pendje omukithi. -

- Ngashingeyi? -

- Ihandi na we. -

- Osho tuu? Osho omusita a pula foromana yetu. Nguka nokwa zimine nokukomona komutse. Omusita nokwa tsikile: - Olye ta vulu okukoleka omwenyo gwoye? -

- Otate Kalunga. -

- Oho tila uulodhi? -

- Uulodhi kau noonkondo mu ngoka omuna gwa Kalunga. -

- Ngele owa adha oluniga luumpulile mondjile, oto ningi ngiini? -

- Otandi haluka ngaa kashona. Ihe ondi nokudhimbulukwa omuhupithi gwandje ngoka e hoole ndje noha gamene ndje. Siku limwe otandi lu fumvike opo lwaa pukithe we nando olye. -

- Shitlangu, mpoka ou li mondjila. Ihe sho wa li kegumbo owa li tu ho kwatha nyoko? -

- Aawe onda li Shitlangu omukwaniilwa. -

- Owa hala okutya ngiini sho to ti ngawo? -

- Okokutya onda li kokule mokutseya oshipango sha Jesus. -

Omusita omuluudhe okwa ndhindhlike kutya onda gwana okuninga oshilyo shetanga na okutaambelwa membo lyegongalo mepandja lyukatekumene.

Eyapulo lyokutameka etanga olya li lya ningilwa moshinagoga yi li popepi moshilando.

Okwa li ongulohi. Mpoka opu udha aakiintu ya kuutumba pevi naalumentu oye li kiipundi ye egamena kekuma. Pooha dholupanda olule, ongundu yaamati mboka ya nyolelwa mo nale ya kuutumba etata lyondhingoloko. Otaa thikamene eyapulo, notaa imbi nongerki ayihe ondjimbo yesimaneko. Tse mboka opo tatu ya, otwa tulwa pokati kongundu twa taalela uukwatatu. Kokataafula oku na ombimbeli nokalehita uuyelele mbuka auke tau tidha omilema mosinagoga.

Omusita okwa tameke. a pula gumwe gwaevangeliste:

- Oto ti ngiini kaamatyona mbana taa pula okutaambwa?

- Onda hala okupopya nayo iinima yi ili noyi ili. -

- Iishike? -

- Okombinga yuukwatatu wetu, kombinga yuuyelele mbuka, owo auke tau minikile muusiku, ihe owa fa ootoshe o-dhindji. -

Omuevangeliste okwa popi pevi ihe onuulaadhi. Okwe tu dhimbulutha kutya otatu taambwa tu landule oshiholelwa shomuhupithi, omuhupithi gwoku Nasaret ngoka a li a koke muukuluntu, moonduunge nomesilohenda. Uukuluntu, oondunge nesilohenda, oombinga ndatu dhuukwatatu. Pu Kalunga nopaantu, molwa Kalunga nomolwaantu, oku ya longela noku ya hoola. O, oshilongwa osha tya ngiini! Ongulohi ndjoka onda tseya kutya, Oshipango shOhoole ya Kalunga osho oshinima oshinene.

Omuevangeliste okwa hulitha nokupopya uuyelele nokwa ti:

Tseyeni one omilema omiluudhe opo mu taambe uuyelele mbuka Jesus. Otse uusiku nomilema thokothoko omolu oluhepo lwetu. Ihe Jesus okwa tsu nokwa si-
ndi uusiku. Okwa manga omilema. Okuza mpoka otwa hupitwa. Otse otwa tameke nduno eilongo lyetu okuhoola aantu. -

Uuyelele mbuka, Omuhupithi, owa minikile ndje.

Omuwiliki kehe okwa pewa okalehita ka tema. Oyo noya minikile oongundu dhawo. Ngashingeyi osinagoga ayihe oya yelithwa noya nyanyukwa.

Omusita okwa gwedha po e ta ti: Aakwetu, otu shi shi Jesus oye uuyelele weni. One omwa taambwa wo muukatekumene ongulohi yonena, omoshinagoga mu. Kaleleni Omuwa. -

Hugunina omatanga agehe oga ningi ondhin goloko pamwe natse notwi imbi

Yakwetu ne oontondoki dhiita iyapuki. -

Aalumentu naakiintu oye tu taamba mongerki.

Onda dhiladhila ihe kutya nani ezimo lya Jesus alihe olyo: Aatiligane aakriste, aaindia aakriste aakiina aakriste naayehe yalwe aakriste.

Tapu tsikilwa:



Israel otashi landifa eengobe
kuAfrika.

Israel, oshilongo shovajuda osha landa ombelela ihapu kuAfrika. Va ti sha landa eengobe di fike 25'000 kuBetsjoeanaland. Eengobe odo tadi dipaelua muAfrika.

OUNJUNI TAU TONGO SHIKE

Omubisofi Ordass ota hepekwa.

MuHungaria omu tamu pangelua kovarusia omubisofi umue, edina laje Lajos Ordass okua kufua luvali oshilonga shaje nota konakonua nokuli kovapangeli omolu omaudifo aje. Momudo 1956 oubisofi uaje okue u kufua luotete. Nokua kala efimbo lile modolongo. Momudo ou okua hoololua a ninge omukuluñu umue uongongahangano jovaluther mounjuni aushe.

Ota hepekua omoluashi ota u-difa Eendjovo daKalunga da jela odo inadi halika kovapangeli venja. Paife ovakuluñu veengerki dihapu dopaluther, mokati kavo omubiso omukuluñu omusoomi Salomies, va pula a mangululue noku longe. Eshi a pulua eshi ovakriste vakua ve na oku mu ningila okua ti: „Tu ilikane-neni manga hatu hepekua!”

Ovafitaongalo vape.

MuNuwe Guinea, koumbangalañu uAustralia, mongerki ipe ja dikua ketumo lovahollanda omua japulua ovafitaongalo vahapu ve li 18 ovapapua hano ovadalelua, ovo votete.

Epja la Getsemane.

Epja la Getsemane omo Jesus a kengelelua kuJudas Iskariot olo lili po natango muJerusalem. Ndelene paife oshitaua osho tashi kuatakani-fa Betlehem na Jeriko na Jerusalem osbinini kanini. Omoluashi osho tashi nenepalifua nokukufa kombinga jepja. Li li momake ovajordania ovo ve li ovamuhamed vehe na ko na shanalo. Ovakriste tave li tale la fimana.

Ongerki jovanduishi jomuSuidwes.

Ovanduishi vomuSuidwes ova ninga oshiongalelengerki shavo muJulie kOwenduka. Ongerki javo ja peua eshikulafano lipe. Paife ongerki ojo oi nedina: Ongerki jovanduishi oñguaevangeli paLuther muSuidwes-Afrika (Duitse Evangelies-Lutherse Kerk in S. W. A.). Oiljo jongerki ei ovatiliane aveke.

Ngashi tua hokolola nale ongerki jaRynse Sending otai lukua paife Ongerki oñguavangeli jopaLuther muSuidwesAfrika (Evangelis-Lutherse Kerk. in S. W. A.). Ojo ongerki jova-herero nojovanama nojeembastera.

Esheko leshasho lijapuki

Ongerki joñguaevangeli ja dikua naua muDuislanda, ndele paife moa mikundaodo tadi pangelua kovako mmuniste oukriste otatu shekua Poñele jeshasho lounona lopakriste ovhovela okulongifa oshivilo kua „oshivilo sheluko”. Hano itava shashe nande onunona ndelene mokupeua edina „ovafikameni” otava itavele okufila oshisho shouteku uokaane ka tekulue ka ninge omukommuniste.

ovaprotestante vomuItalia

Ovakriste ovaevangeli vomuItalia va pula nale manga eedula omulongo inadi pita kepangelo lavo va peue emanguluko lokuninga omalengelokalunga avo opaevangeli. Fijona nena ovapangeli venja ovo ve li ovakatoli va anja okunjamukula.

Omalundululo mape omOmbimbeli

Taku tiua kutja momudo 1957 Ombibeli ile oshitukulua shomujo osha lundululua momalaka 18. Momalaka aa Ombimbeli inai lundulua nale natango. Nena omuvalu uEembibeli momalaka eliili ou fike 1127.

Eembibeli da „tuka”

Ehangano leengerki adishe olatuma meedula ñe da pita Eembibeli koilongo jovakommuniste ngashi kuRusia nokuPoole nokuHungaria. Eembibeli oda tuminua ko momapo momatanga a jadifua nomapo mahapu. Ovañu ovo ova ja oñapo kovakommunisteova hokolola kutja Eembibeli odo otadi leshua neeñgono. Eembibeli odo da „tuka” odi ike paife 400'000.

Enenepalifo lolutenda

Enenepalifo lolutenda lopokati kaUsakos nOshivanda nOshomeva tali tuikilua. Va ti oshilonga eshi fijo kOshomeva otashi ka pua pehulilo lomudo 1959. Oshashona jomOshivarongo nojomOshomeva nojomOshivanda nojomOutjo otadi tungululua. Neshina otali ka endelega li dule nale omolu olutenda lipe.



Oshilonga shehanganombibeli

Omukuluñu uEhanganoombibeli la Britania noloilongo ota shiivifile kutja Eembibeli otadi pulua keshe efiku dihapu unene. Va ti 1957 oshitu-vikilua shavo sheembapila dokunjanjangidua Eembibeli osha nenepekua luvali. Mokujelekanifa omanjanjangidifo omudo 1955 nomudo 1957 aa okua hapupala lutatu. 1956 okunjanjangidifua okua pula oimaliva oiponda 754'000. Momudo ou otaku pula oiponda 990'000. Ndelene paife, omukuluñu ou dr. W. J. Platt, ota ti, ovo itava dulu oshinima eshi. Eefuto dEembibeli adishe doku di njanjangidifa odi dule alushe eefuto doku di landifa po. Omoluashi nenge omuvalu uEembibeli odo tadi njanjangidifua tau hapupala, osho jo oimaliva ojo tai pumbiua otai dulu onale.

Ehangano eli otali taambula eshali diliili nodi liili kovakriste nokeengerki dihapu domounjuni aushe. Nena va ti, omalundululo mape e fike 65 otaa teelele manga a njanjangidifue. Omolu oluhepo luomaliva amue okua teelela efimbo lile nokuli. Efiku limue elundululo letu lOmbibeli jomoshikuanjama otali ka tuminua jo kehanganolo.

Etumo longerki jeembulu jomuSuidwes

Embu otadi shiivifile kutja oshilonga shetumo shavo sha huma komesho. KuKaokoveld oku na paife ovaiiliane vane: omutungifi nomuevangeliste novahakuli vavali. N. G. Kerk. ja hala okuhapupalifa oshilonga shajo. Otava diladila okuhovela oshilonga shetumo muKaaprivi omo omu na ovakatoli aveke nomu he na nande ovaprotestante ndele ovapani omo ve li.

Omashina mape e neeñgono

Minister Schoeman, omukuluñu ueendjila nojeendifo, okua lombuela kutja taku landua omashina mape okolutenda (lokomotiewe) kuSuidwes, oluendo opo li endelegifue. Omolu omashina mape, Diesel-lokomotiewe, omuñu ota hupifa eetundi 8 mokuja okudja kOwenduka fijo kuDeAar.

Omashina aa oku neeñgono okushila eefraha di dule donale novañu ve dule vonale. Ndelene omahooli oo otaa pumbiua jo e dule onale.

AALESHI TAA NYOLA

RUKANDA NOBAAR.

Ininke eyi ivali Rukanda noBaar tayi mana imaliva yowo vana kara mOusimba kondarate. Mokukorwa wovanzi tava va toona. Vamwe tava tanta asi. „Ose tatu li uzuni.” Imo ngesi tava haraganesa imaliva yawo. Awo nye asi nehepo ruva va reta. Va siga vakadi yawo moruhepo vava dane noimaliva.

Novakriste nawo hena iko ava kara nokuzunzagera. Nawo imo vana kupira nondunge mokudanesa urunde. Mukriste, waha danesa mu- diro, to pi!

A. Amanyami.

NGAPI OMU TATU PISURA RUVARO RWETU?

Episuro tali rarakanene sisinke nani esi sina kara momuntu? -

Nomupisuli ige ilye? -

Mupisuli gwasili gogu gahana nke-nda nasinyanyi sendi. Omajel.13;24 Ntene munu gahara mutwendi ta- mu rugana ngapi? Omajel.3;12 Ka- runga ntene ana hara kupukurura munwendi tamu rugana ngapi? Heb. 12;6.

Mupisuli kenye guhia munona ndi zinyamunona, mukupisura kwawo ruvaro rwawo narunje tava kara no- nkenda Muntu kenye ana kara no- sitja esi „nkenda” nampili age kapi ana diva nawa asi „nkenda” tava zi ruganese ngapi.

Mupisuli ove, tara nawa, „nke-nda” zoge oku zina ku twara munog- ge, ndi mupisurwa goge. Mwenyo gwendi togu parura tupu moheli? Tara Omajel.23;13-14.

Mupisuli kenje kara nosinka so- vapisurwa woge Karunga kapi ana ku pe sirugana esi sepisuro otware nonvwigona da Karunga moheli. I- nye kuva likida nokuvaronga kudiva Muzovoli gwawo.

Tareni vakwetu, ntene kapi tatu kareni nosinka mosirugana esi sepi- suro tatu zumbanesa nomwenyo do- vaha vetu.

N. L.

Meumbo.

tu uanife oinakuuanifa jetu jomeu- mbo. Hatu teelua tu jakulafane no- hole nehafo. Hatu teelele tu dulike melininipiko la shili. Hatu teelua tu kuafafane moimima i lili noi lili. Hatu teelua tu diinine okukalafana nombili nehafo. Hatu teelua tu lo- nge naua oilonga aishe jomeumbo. Hatu teelua tu etelife eumbo letu elao. Eumbo tali etelua elao, ngenge fje hatu tila Omuene. Osheshi ohatu lesa mOmbibeli ngaha: „Omunelao okeshe tuu ou ha tila Omuene, no ta ende neendjila daje”, Eps.128:1.



Mohani ei hatu likongele
EKUMAIDOKAMBO
tu li leshe nokumona
oipaluifa ihapu jomuenjo.

Okambo aka taka landua
osipenifa aike
ndelene ke na ekuafu
linene.

AAYAMBA OOMBOKA TAA KALELE OMUWA.

Aakwetu aahoolike moshilonga shO- muwa, otse otwa ithanwa tu kale omale- nga ga Kalunga. Ihe olwindji twa fa tatu puka, notatu dhini uulenga wetu nuuya- mba tu u na pOmuwa Eps. 49:1-21. Ota- shi kumitha yamwe yi ithanwa kOmuwa, ihe otaa ikutha muulenga nando inaa yo- na sha. Aanashilonga ya ningi oyendji nga- shingeyi taa ikutha muulenga mbuka, Oyo otaa lalakanene aniwa uuyamba.

INO LUNDULULA EDINA LOJE

Simon Hamuñgete, Kransberg Box 5, okwe tu shiivifa nokutja, kuvo okua fja omuñu a ua moshihauto e liluka edina **Eliesel Shehama Ashipala**. Oi- nima jomufi natango oi li kombele- ua jaako vati.

Simon oye a dimbulukua omufi ou nokutya oje mboli:

Ananias ja Salomo ja Ashipala.

Salomo ja Ashipala oje muene uomukunda Elakalapua, Ohaingu, Ou- kuanjama, edina laje likuao Shehama Elieser okandenge ka Ananias, ke li kOmandobe, oshilongo Mengela.

Elieser natango oku nomwenyo, ha je a fja. Edina laje ole lilukua moushondolo komufi Ananias ja Sa- lomo.

Ope noshiponga hano:

OMUÑU OKULIKANIFA JE MUE- NE.

P. Schulte
Walvisbay.

ETSEITHO.

Otandi indile ekwatho; ngele pe na ngoka wa mono ondumetana o- ntiligane yepolo, yomakutsi ga nya- nya koondungu.

Ontiyali okatsezi okambambi ke nokutsi kua tetua.

Ngele pe na ngoka wa mono yimwe yadho kwatha ndje u nyolele ndje.

Risto Kueenda
Uukwambi

ihe melalakano lyawo taa kanitha oshi- ndji inaaye shi dhimbulula. Oyo otaa ki ipa usama esiku lyOmuwa. Tala Mat. 27:3-5. Iil.1:18. Mat.26:15-16. Osho cyendji ya landa po Omuwa gwawo, opo ya mo- ne eliko lyokathimbo. Ihe otu nokukala tu shi shi oohapu dhOmuwa itadhi lundu- luka, otadhi kala dha kolelela. Tse tu shi shi pOmuwa kapu na ohepele, oomboka taa kalele Omuwa otaa likola uuyamba waaluhe. Ihe mboka taa zi po pOmuwa otaa kanitha uuyamba mbuka, Eimbilo 467:2-3.

Simon Iileka.

OKTOBER.

1. W. Luk. 10:17-20. Gal.1:2:11-21
2. Do. Iil.5:12-21a. Gal.3:1-5.
3. V. Joh.12:27-33. Gal.3:6-18.
4. Sa. Ehol.5:11-14. Gal.3:19-28.

Ps.91:7-12. Mark.10:13-16. 1Mos. 28:10-22.

5. S. Esiku Iya Mikael.
6. M. 1Tess.4:9-12. Gal.4:8-20.
7. D. 1Mos.4:2b-15. Gal.4:21-31.
8. W. 1Joh.4:7-16a. Gal.5:1-12.
9. Do. 5Mos.30:11-14. Gal.5:13-26.
10. V. 2Kor.8:1-9. Gal.6:1-10.
11. Sa. Iil.5:1-11. Gal.6:11-18.

Ps.95:2 Ps.145:15,16. 5Mos.15:11.

12. S. **ESIKU ETI 4 LYEGALIKANO.**
13. M. Mark.8:22-26. Dan.1:1-21.
14. D. Kol.3:5-11. Dan.2:1-26.
15. W. Kol.3:12-17. Dan.2:27-49.
16. Do. Luk.19:1-10. Dan.3:1-30.
17. V. 1Joh.1:5-10 Dan.5:1-12.
18. Sa. Jer.17:12-17. Dan.5:13-30.

Rom.10:13-21. Mat.13:44-46. Jes.5: 1-7.

19. S. Os. 20 ya landula Uukwatatu.
20. M. Joh.6:24-33. Dan.7:1-15.
21. D. 2Mos.17:2-7a, 13-15. Dan.7:16-28.
22. W. Iil.20:7-12. Dan.8:1-14.
23. Do. 1Kor.10:14-22. Dan.8:15-27.
24. V. 1Petr.2:5-10. Dan.12:1-12.
25. Sa. Hebr.5:23-28. Ehol.1:1-8.

Rom.11:1-12. Mat.16:1-4. Jona 3.

26. S. Os. 21 ya landula Uukwatatu.
27. M. 1Kor.9:24-27. Ehol.2:1-7.
28. D. 2Tim.2:1-7. Ehol.2:8-11.
29. W. Rom.14:4-17. Ehol.2:12-17.
30. Do. 1Kor.9:13-18. Ehol.2:18-29.
31. V. Luk.22:31-38. Ehol.3:1-6.